



kat.komp.

59412


III

Mag. Śl. Dł.

P

*Kachorowicz Franciszek: Quaestio animastica de  
specie intelligibili impressa*







In Nomine Domini Amen.

# QVÆSTIO ANIMASTICA

D E



Specie Intelligibili Impressa;

*Sub Felicissimis Auspicijs*

594/2  
III

MAGNIF. PERILLVSTR. ET ADMODVM REVERENDI DOMINI

## D. ALBERTI LANCVCKI,

*I. V. Doctoris & Professoris Ecclesie Cathedralis Cracouien:  
Canonici Electi, Collegiatarum Pilecensis Archidiacon: SS.  
Omnium Cancellarij, S. Michaelis in Arce Crac:  
Canonici, S. R. M. SECRETARII.*

### VNIVERSITATIS CRACVIENSIS GENERALIS ET VIGILANTISSIMI RECTORIS

*M. FRANCISCO KACZOROWIC*

*Philosophia Doctore, Dial: Profess: Contub: Hierof: Seniore.*

*Publicè ad disputandum.*

IN PERAVGVSTO D.D. THEOLOGORVM LECTORIO

## PROPOSITA.

*Anno Domini 1674- Die 9. Aprilis, Horâ 13.*

GRACOVIAE, Ex Officina SCHEDELIANA, S. R. M. Typogr:





# Q V Æ S T I O

**V** Species Intelligibiles Impressæ rerum materialium Obiectis suis quoad naturam in esse repræsentatiuo idētificatæ, atq; potentiæ Intellectiux ad exercendum actum secundum indissolubilitèr vnitæ; Singularia materialia directè & formalitèr repræsentent nec ne?

## C O N C L U S I O I.

**S**pecies Intelligibiles sunt eiusdem naturæ & rationis cum suis Obiectis primarijs in esse intentionali & repræsentatiuo.

### C O R O L L A R I A

1. *Causantur non ab Ideis rerum materialium per se subsistencibus ut voluit Plato; aut ab Intelligentijs ut Avicenna; sed ab intellectu Agente per elevationem & assumptionem phantasmatum.*
2. *Intellectus Agens est causa illarum principalis; phantasma instrumentalis.*
3. *Siue verò sint imagines & similitudines formales obiecti, siue solum virtuales, utrumq; secundum diuersas considerationes rectè potest sustineri.*
4. *Vndè sunt tanquam rationes & principia Quo intelligendi. Et tam in essendo quàm representando sunt indiuisibiles.*
5. *Eger autem illis Intellectus ad eliciendas suas intellectiōnes, non secus ac sensus externi & interni sensibilibus ad suas sensationes.*

## C O N C L U S I O II.

**P**otentia cognoscitiua per identitatem in esse repræsentatiuo & intelligibili fit & constituitur ipsa species formalitèr sumpta; immò & Obiectum per illam repræsentatum.

COROL.



## C O R O L L A R I A.

1. Non sit verò talis simpliciter & absolute, aut in esse entitativo & naturali.

2. Nec si præcisè & formalissimè Species consideretur per inherentiam eius, aut informationem: quia id est per Accidens.

3. Sed est talis per identitatem secundum quid, seu in esse intelligibili.

4. Quæ identitas est minima & infima; maior tamen unione formæ cum materia, & accidentis cum subiecto.

5. Ex quo tamen non sequitur quòd prædicata essentialia Speciei etiam formalissimè sumpta, fiant prædicata essentialia potentiæ cognoscitivæ.

## C O N C L U S I O III.

**S**pecies Intelligibiles impressæ non solum uniunt Obiectum potentiæ intentionaliter; sed etiam ad eliciendam ipsam eius cognitionem actiue concurrunt.

## C O R O L L A R I A.

1. Respectu tamen potentiæ quam actuant nullam habent efficientiam, sicut nec circa obiectum quod representant.

2. Cooperantur non ut causæ partiales, sed ut totales determinando potentiam cuius sunt complementum.

3. Ex quibus & potentia licet in esse entis fiant duo actiua principia, in ratione tamen causandi unum efficitur, sola quasi rationis differentiâ importatâ.

4. Nec sunt principium concursus vitalis radicale & principale qui ad cognitionem ut vitalem requiritur; sed determinatiuum & specificatiuum.

5. Vnde falsò nonnulli docent solum illas concurrere ex parte efficientis principij ut conditionem & dispositionem requisitam ad cognitionem: vel esse illas totam rationem agendi in ipsam, potentiâ cognoscitivâ merè passivè se habente.

## C O N C L U S I O IV.

**S**pecies Intelligibiles impressæ non sunt formalitèr & directè singularium materialium representatiuæ; sed solum virtualiter & indirectè.

## C O R O L L A R I A.

1. Quod intelligendum est de illis quæ fiunt per abstractionem intellectus Agentis immediatè, quæ solam naturam & quidditatem materiale in universali directè representant: non verò de illis quæ sunt ex præcedenti intellectione relicte.

2. Inter quidditates materiales tantum illæ possunt representari quæ sunt



sunt finite & presentes: futura verò ut sunt in seipsis nec directè nec indi-  
rectè possunt representari; nisi secundum esse quod habent in suis causis na-  
turalibus.

3. Spiritualia representantur per species rerum materialium; sicut &  
Entia Rationis connotatiue ad Ens Reale.

4. Hoc tamen sumendum est pro hoc statu: nam anima separata infun-  
duntur à Deo Species que representant directè tam spiritualia quàm ma-  
terialia singularia modo proprio statui substantiarum separatarum.

5. Nec tamen potest intellectus simul actu informari pluribus speciebus  
que representant plura ut plura adequate & ex aquo. Nec potest pro hoc  
statu actu intelligere per Species quas penes se habet non conuertendo se ad  
phantasmata.

Ad Maiorem Dei Gloriam & Beatæ  
Mariæ Virginis Honorem.

P E R M I S S U  
M A G N I F I C I D O M I N I  
R E C T O R I S.





indi-  
s na-

et &

ofun-  
ma-

iebus  
hoc  
se ad

Biblioteka Jagiellońska



stdr0018916



